

Frastenz Tauschbrief begriffen ist, gesetzt werd-/en. Dieselb Marckh solle zaigen vnd weisen Schnuergrad // hinüber oder hinein, jn zwo Marckhen gegen Schanerwaldt alda vor dem / Schanerwaldt in ain Staine Eggmarckh. volgenndts von derselben Eggmarckh / von dem Schanerwaldt der höche nach. Schregs hinauf biss an die Grenizen / vnnd Marckhen die beede herrschafften Sonnenberg vnd Vadúz. Laút derselb - / en Vertrag schaiden. in dreÿ Marckhstain. Jtem von dem Obersten Egg - / Marckhstain an den Grenizen. in welche ain Creúz gehäuen werden soll. / Dem Gradt vnnd Sattel aller Höche vnnd beeder Herrschafften Greniz / Marckhen den drÿen Schwestern⁹ nach. vber den Sattel oder Gradt. / Jn fúnff Marckhstain schnúergrad hinauf. biss in die dreÿ die höchste / vnnd grösste schwester⁹. Dergestallt vnnd also wass in denen Marckh - / en gegen vnd vf der seiten Frastenz ligt. Dass solle jnen denen zué Frastenz. vnnd wass vf der seÿtten gegen denen vff Plannghen¹ ligt. / Dass solle jnen denen vf Plannghen¹. zúgehören vnnd bleiben. vnnd / jederthail dass seinig jnnhaben núzen vnd niessen wie von alltem herr - / khomen ist. Doch solle fúrterhin khain thail dem andern weder mit / steg noch weg. vichtrib. aúch besúechung. Wún. vnd waÿd, vber gemelte / Ordenliche Marckhen in dem seinigen genzlichen khainen Eintrag thon. / Sonnder rúecrig vnnd vnangefochten verbleiben lassen ec.

Hierüber sich mehrgemelte beede Partheÿen. vmb erhaltung güeter / fridliebennder Nachparschafft willen, noch vermehrs miteinander / freÿwillig vnnd Nachperlich verglichen. Namblich so haben sich / die vf Plannghen¹ jrer Troÿets oder Vichtribs vber den Sattel. vnd die / von Frastenz jrer vichtrenckhe vf deren ab Plannghen¹ gründt vnnd / boden. Dergestallt vnnd also verzigen. Dass hinfúrter in Eewiger zeit. // Die vf Plannghen¹ vber den Sattel oder Gradt. Den Greniz vnd new - / en Marckhen nach. khainen vichtrib oder Troÿet. Wie aúch die von / Frastenz vf deren ab Plannghen¹ gründt vnd boden. mit dem vich khain / trenckhe nit mer súechen noch haben sollen. Doch ist denen zué / Frastenz laúter aúsgedingt vorbehalten, vnnd beÿ denen ab Plannghen¹ zúgelassen worden. Dass Sy die von Frastenz das wasser vf / dass jrig. ab deren vf Plannghen¹ gründt vnd Boden, jrer nottúrfft / nach. wol langen vnd fúeren mögen. Jedoch mit wenigisten nach - / thail vnd schaden deren ab Plannghen¹.